

TSEBISO YA BOHLOKWA – TSEKO YA SEHLOPHA YA SILIKHOSISI LE LEFUBA

Tumellano ya Tefo tleleiming ya sehlopha ya Silikhosisi le Lefuba e fihletsweng dipakeng tsa dikhampani tsa merafo tse tsheletseng tse lefang - African Rainbow Minerals, Anglo American SA, AngloGold Ashanti, Gold Fields, Harmony le Sibanye-Stillwater – le boramolao ba batseki, e fuwe tumello ke Lekgotla le Phahameng la Johannesburg ka la 26 Phupu 2019 mme ya kena tshebetsong ka la 10 Tshiwe 2019 kamora hore dipehelo tsohle di phethahatswe.

Ditseko tsohle tse entsweng kgahlanong le dikhampani tse lefang le basebeletsani le tsona tse hlahileng ka lebaka la kapa tse amanang le Silikhosisi le Lefuba, ho kenyeletswa tseko ya sehlopha e thakgotsweng ka pela Lekgotla le Phahameng, di lefilwe ho latela ditlhoko tsa Tumellano ya Tefo.

O ka nna wa tshwaneleha bakeng sa tefo ya matshediso haeba:

- o ne o le mosebetsi wa morao dipakeng tsa la 12 Hlakubele 1965 le la 10 Tshitwe 2019;
- o sebeditse ho o le mong kapa ho feta wa Merafo e Tshwanelehang (sheba lenane le ka tlase mona) ka dinako tseo merafo ena e neng e le ya kapa e laolwa ke dikhampani tsa merafo tse lefang;
- o entse mosebetsi o o behileng kotsing ya lerole la silica; mme
- o tshwerwe ke Silikhosisi kapa Lefuba (TB)KAPA o le Mophedisuwa (ho etsa mohlala, mofumahadi, ngwana kapa molekane wa bophelo) wa mosebetsi ya jwalo wa morao ya seng a hlokahetse.

KA KOPO BALA TSEBISO ENA KA HLOKO KAHA E KA AMA DITOKELO TSA HAO.

KE MANG YA KENYELEDITSWENG TUMELLANONG?

Tefo ena e ama ditho tsohle tsa Sehlopha. O setho sa sehlopha haeba o phethahatsa ditlhoko tsohle tsa sefe kapa sefe sa dihlopha tse latelang tse nne:

Sehlopha sa 1:
Batho bohle: <ol style="list-style-type: none">bao ka la 10 Tshitwe 2019 ba neng ba etsa, kapa pele ho la 10 Tshitwe 2019 ba neng ba entse Mosebetsi ba Behang Kotsing. Mosebetsi o Behang Kotsing o hlaloswa ke Molao wa Mafu a Mosebetsing a Merafong le Mesebetsing, wa 1973 (Occupational Diseases in Mines and Works Act, 1973) jwalo ka ha o entswe ke motho ya hahlametsweng ke lerole leo karolo ya lona kapa teteano ya yona e leng kotsi kapa e ka bakang kotsi, ho kenyeletswa ho sebetsa ka mokoting morafong wa kgauta; eo ka la kapa pele ho la 10 Tshitwe 2019 a nang le kapa a tla be a tshwerwe ke Silikhosisi kapa a tla be a hahlametswe ke lerole la silica; ya etsang kapa ya entseng Mosebetsi o Kotsi ho o le mong kapa ho feta wa Merafo e Tshwanelehang (sheba lenane le ka tlase mona) kamora la 12 Hlakubele 1965; le ba sa kang ba lefuwa ditlleleime tsa bona ditedfong tsa nako e fetileng tse phethetsweng le Anglo American South Africa Limited le AngloGold Ashanti Limited ka la 14 Hlakubele 2016 le Anglo American South Africa Limited ka la 19 Lwetse 2013, ka tlahlamano.
Sehlopha sa 2:
Baphedisuwa ba batho bafe kapa bafe ba boletsweng Sehlopheng sa 1 ka hodimo mona ba neng ba se ba hlokahetse ka la 10 Tshitwe 2019.

Sehlopha sa 3:
Batho bohle: <ol style="list-style-type: none">bao ka la 10 Tshitwe 2019 ba neng ba etsa, kapa pele ho la 10 Tshitwe 2019 ba entseng, Mosebetsi o Kotsi; bao ka la, pele ho la kapa kamora la 10 Tshitwe 2019 ba tshwaeditswe kapa ba tla be ba tshwaeditswe ke Lefuba; mme ba etsang kapa ba entseng Mosebetsi o Kotsi ho o le mong kapa ho feta wa Merafo e Tshwanelehang (sheba lenane le ka tlase mona) kamora la 12 Hlakubele 1965.
Sehlopha sa 4:
Baphedisuwa ba batho bafe kapa bafe ba boletsweng Sehlopheng sa 3 ka hodimo mona ba neng ba se ba hlokahetse ka la 10 Tshitwe 2019.

SEPHETHO SA TUMELLANO EE KE SEFE?

Teraste ya Tshiamiso e thehilwe ho phethahatsa dipehelo tsa tefo le ho lefa matshediso a tjehelete ho batseki ba tshwanelehang. Baetsi ba ditlleleime ba tla ba le tokelo ya ho fumana tefo ya hang e dipakeng tsa R10 000 le R250 000, ho ipapisitswe le sebopeho le bomahlonoko ba lefu le temalo e hlahetseng motseki ya jwalo. Maemong a mang a mahlonoko haholo, motseki ya tshwanelehang a ka nna a kgona ho fumana tjehelete e ngatanyana, ho fihla ho R500 000.

- Motho ya tshwanelehang ya etsang tleleime ke motho eo e leng setho sa sefe kapa sefe sa dihlopha tse boletsweng ka hodimo mona ya phethahatsang ditlhoko tsa ho ka amohela matshediso a tjehelete tsa Teraste ya Tshiamiso.

- Ditho tsohle tsa sehlopha di ka kgona mme di memelwa ho romela tleleime ho Teraste ya Tshiamiso bakeng sa matshediso a tjehelete, ntle le ditho tsa sehlopha tse kgethang ho tswa tumellanong ena ya tefo.

- Dintlha tsa ka moo o ka hlahelang tleleime a fanwe ka tlase mona, le webosaeteng ya www.tshiamisotrust.com.

Dipehelo tse feletseng tsa Tumellano ya Tefo mmoho le qeto ya Lekgotla e ananelang Tumellano ya Tefo di fumaneha webosaeteng ya www.tshiamisotrust.com kapa di ka fumanwa ho Teraste ya Tshiamiso (dintlha tsa boikopanyo di ka tlase mona).

HA O HLOKWE MME HA O LOKELE HO LEFA MOTHO OFE KAPA OFE HO O THUSA HO HLAHLELA TLELEIME!

KA MOO O LOKELANG HO HLAHLELA TLELEIME HO TERASTE YA TSHIAMISO:

MOKGWATSHEBETSO WA DITLELEIME:

Ka kopo latela mehato ena:

1) O ka hlahloba haeba dintlha tsa hao di teng dathabeiseng ya Teraste ya Tshiamiso le hore na o na le tleleime e ka kgonahalang ka ho ya leqepheng lena webosaeteng ya Teraste ya Tshiamiso https://www.tshiamisotrust.com/status-check/. Hape o ka letsetsa setsi sa mehala sa Teraste ho hlahloba hore na o na le tleleime e ka kgonahalang.

2) Webosaete e ka hodimo mona le setsi sa mehala hape di tla o jwetsa hore ke Ditokomane dife tsa Tlhahlelo ya tleleime tseo o lokelang ho fana ka tsona jwalo ka karolo ya ho etsa tleleime ya hao. Ditokomane tsena di ka kenyeletsa dintho tse latelang:

- khopi ya tokomane ya hao ya boitsebiso, phasepoto kapa bopaki ba nomoro ya hao ya mosebetsi/boitsebiso;
- haeba o le mophedisuwa (ho etsa mohlala, mofumahadi, ngwana kapa molekane wa bophelo) wa mosebetsi wa morao ya seng a hlokahetse, khopi ya tokomane ya boitsebiso, phasepoto kapa bopaki ba nomoro ya mosebetsi/indasteri ya motho ya jwalo ya seng a hlokahetse;
- direkoto tsa hao tsa tshebetso Morafong ofe kapa ofe o Tshwanelehang (sheba lenane le ka tlase mona).

3) Moetsi ka mong wa tleleime o tla hloka ho beheletsa kopano ya ho hlahlela tleleime ya hae ka ho letsetsa Setsi sa Mehala sa Teraste. Ho na le diofisi tsa tlhahlelo ya ditlleleime tse 50 tse Afrika Borwa le tikolohong ya SADC. Setsi sa mehala se tla o hlophisetsa ketelo ofising e haufi haholo le moo o dulang. Moetsi ka mong wa tleleime o tlameha ho hlahlela tleleime ya hae ka seqo.

- Baetsi ba ditlleleime ba dulang Afrika Borwa ba ka letsetsa mohaleng wa mahala wa Teraste nomorong ya **080 1000 240** ho etsa tlhophiso ya ketelo ofising e haufi le bona ka ho fetisisa e Afrika Borwa.

- Baetsi ba ditlleleime ba dulang kantle ho Afrika Borwa ba ka letsetsa nomoro ya mohala e tla kgutlisa mohala wa bona ya **00 27 10 500 6186** ho etsa tlhophiso ya kopano ofising ya tlhahlelo ya ditlleleime e naheng ya habo bona. Ka kopo lemoha hore ha o letsetsa nomoro ena, e utlwahala eka e phathahane. Mohala jwale o tla kgaoha ebe motho ya letsang ho tswa setsing sa mehala o a o letsetsa. Ho itshetlehile ka selefounu ya hao kapa mofani wa hao wa tshebeletso ya mohala wa ka tlung ho ka hlokahala hore o be le moya (airtime) o itseng ho qala ho letsa.

Ka kopo lemoha hore setsi sa mehala se sebetsa feela ho tlhoa ka 8 hoseng ho isa ka 5 mantsiboya ka Mantaha ho fihla Labohlano feela. Ka kopo letsa nakong ena feela.

4) Ka letsatsi la kopano la hao, ka kopo etlo le Ditokomane tsa Tlhahlelo ya Tseko tsa hao tseo o di hlahletseng ofising ya tlhahlelo ya ditokomane. Moofisiri wa Tlhahlelo ya Ditseko (Ditleleime) o tla o eletsa ka se ka etswang mabapi le Ditokomane tsa Tlhahlehlo ya Teleime tse siyo.

5) Baetsi ba ditlleleime bohle ba tla etswa teko ka tsela ya bayometriki (dikgatiso tsa menwana, jj.) ho netefatsa boitsebiso ba bona ka ho phethahala.

6) Haeba ho hlokeha, tlhahlobo ya tlhapiso ya bongaka e tla hlophiswa. Sena le sona se tla etswa ka tlhophiso ya ketelo.

7) Kamora moo tleleime ya hao e tla sekasekwa ke Phanele ya Banetefatsi ya Bongaka le Komiti ya Banetefatsi ya Teraste ho latela dipehelo tsa Teraste.

8) Hang ha ho dumeletswa, matshediso a tjehelete a lokelang ho lefuwa ho wena a tla lefuwa diakhaontong tsa baetsi ba ditlleleime tse pakilweng ho latela dipehelo tsa Teraste.

BAKENG SA TLHAHISOLESEDING E EKETSEHILENG:

Etela www.tshiamisotrust.com

<p>DINTLHA TSA BOIKOPANYO TSA TERASTE YA TSHIAMISO KE:</p> <p>Mohala: haeba o phela kahare ho Afrika Borwa 080 1000 240</p> <p>If you live outside South Africa 00 27 10 500 6186</p> <p>Imeile: info@tshiamisotrust.com</p> <p>Whatsapp: (+27) 87 250 0066</p> <p>Webosaete: www.tshiamisotrust.com</p>	
---	---

Merafo e nkileng karolo	Freddies 7 le 9 (ho Kades Barnea cc, Pamodzi, morao wa Target)	Vaal Reefs 10 (Tau Lekoa)	Merriespruit
SA Land	Freegold 2, 4 (Tshepong, Phakisa)	Vaal Reefs 11 (Moab Khotsong)	Hartebeesfontein
Daggafontein	President Brand	Western Deep Levels	Loraine (Ditjhafo tsa 1,2 le 3)
East Daggafontein	President Steyn	(South Mine WDL 1)	Zandpan
Elandsrand	Steyn 1,2 (ho Kades Barnea, Pamodzi, Bambanani)	Tau Tona (East Mine WDL 3)	Morao wa Virginia
Deelkraal (eo hape e bitswang Elandskraal)	Steyn 3,4 (FreeGold 1, le Bambanani)	Savuka (West Mine WDL 2)	Village Main Reef
Kusasaletlu	Brand 1, 2, 3, 5 (Steyn 5 ho fihla ho 8)	St Helena	Western Areas (ho South Deep)
Western Holdings (1,2,3,4,6,7) (ARMGold)	HJ Joel / Joel	Evander (ho kenyeletswa Kinross, Leslie, merafo ya Bracken le Winkelhaak)	South Deep
Matjhabeng (Western Holdings le ditjhafo tse ding tse 4 tsa Kudu, Nyala, Sable, Eland tseo pele e neng e le ditjhafo tsa Freddies le Free State Geduld)	Western Reefs (e kopantsweng le Vaal Reefs)	Randfontein Estates	Beatrix (ho kenyeletswa Oryx)
Saaiplaas 2,3	Vaal Reefs (1,3,4,5,6,7)	Doornkop	Oryx (ho Beatrix)
Saaiplaas 4,5 (Masimong) (FreeGold 3)	Vaal Reefs 2	Cooke 1, 2 and 3 (Rand Uranium)	Driefontein (ho kenyeletswa East Driefontein, West Driefontein le Driefontein Cons)
Free State Geduld	Vaal Reefs 8 (Great Nolligwa)	Cooke 4 (Ezulwini)	Kloof (ho kenyeletswa Leeudoorn ho tlhoa ka la 1 Phe 1993, Libanon le Venterspos)
Free State Cons	Vaal Reefs 9 (Kopanang)	Unisel	Driefontein le Driefontein Cons)
FreeGold 2 le 4		Morao wa Harmony	St Helena (Beisa section)